

欽定四庫全書

子部
痰癘論疏

詳校官太醫院醫士臣趙正池

編修臣倉聖脈覆勘

總校官檢討臣何思鈞

校對官編修臣于鼎

謄錄監生臣夏雲霄



欽定四庫全書	子部五
痲癩論疏	醫家類
提要	
<small>臣</small> 等謹案痲癩論疏一卷明盧之頤撰之頤	
字子繇錢塘人是書論痲癩證治于虛實寒	
熱四者最為詳盡足以發明素問癩論刺癩	
法諸篇微意大旨謂癩屬陽痲屬陰日作者	
屬陽間日間數日作者屬陰而曰溫曰寒曰	
欽定四庫全書	痲癩論疏
癩曰牝皆可以痲癩該之其主方多用王肯	
堂證治準繩其餘所列諸方亦多簡當雖為	
書不過一卷然治癩之法約畧盡乎是矣杭	
世駿道古堂集有之頤小傳稱所著初有金	
匱要畧模象為其父所焚續著有本草乘雅	
半偈今行于世後著有摩索金匱九卷又有	
傷寒金鑑鈔醫難析疑二書今未見傳本獨	
無此書之名或世駿作傳之時竟未見其本	



欽定四庫全書

痲癩論疏

明 盧之頤 撰

痲癩因證素問癩論及刺癩法最詳而悉後世守其偏承致經義蒙晦訛謬良多審因者略證局證者昧因知常而不及變循變而反舍常殊不知有是因方有是證因證既顯常法已具而始可與達變矣乃或常法既迷因證靡辨以寒為熱熱為寒虛作實實作虛致微者劇劇者危展轉變承連年月不已其死生存亡莫之能測也偶方孺先生舉問及此聊紀數語以就正

欽定四庫全書

痲癩論疏

痲癩總名曰疔疔者秋時寒熱兼作即疔作而金伏者是也分名曰痲曰癩癩即惟火沴金酷虐殆甚日作日休者是也痲即間日發或間數日發深入陰分者是也此皆得之夏傷於暑熱氣盛藏於皮膚之內腸胃之外募原六府之間如客於頭項或肩背手足者則藏皮膚之內客於胸脇或臚腹者亦藏皮膚之內或腸胃之外



或募原或六府之間此皆營氣之所舍也以夏氣通於
心心主營血之氣故也經云以奉生身者莫貴於經隧
故不注之經而溜之舍也舍即經隧所歷之界分每有
界分必有其舍猶行人之有傳舍然也此暑令人汗空
疎腠理開者以暑性暄發致腠理但開不能旋闔耳不
即病者時值夏出之從內而外衛氣仗此猶可捍禦因
遇秋氣機衡已轉自外而內矣其留舍之暑令汗空疎
腠理開風遂承之以入或得之以沐浴水氣舍於皮膚

欽定四庫全書

痲瘋論疏

之內與衛氣併居衛氣者晝行於陽夜行於陰風於水
氣亦得陽隨衛而外出得陰隨衛而內薄內外相薄是
以日作故衛氣至必腠理開開則風與水氣之邪入入
則病作衛氣與三陽之氣亦併於陰矣當是之時陽虛
而陰盛外無氣故先寒慄也衛氣虛則起於毫毛伸欠
陽明虛則寒慄鼓頷太陽虛則腰背頭項痛三陽俱虛
則陰氣勝陰氣勝則骨寒而痛寒生於內故中外皆寒
甚則湯火不能溫脈則體靜而至來遲也不列少陽形



證者以太陽為開陽明為闔少陽為樞而開之能開闔之能闔樞轉之也設舍樞則無開闔矣離開闔無從覓樞矣故開闔既陷樞機豈能獨留倘中見樞象即為開闔兩持所以持則俱持陷則俱陷也三陽俱陷則陰氣逆陰氣逆極則復出之於陽陽與陰亦併於外則陰虛而陽實陽實則外熱陰虛則內熱內外皆熱則喘而渴甚則水水不能寒脈則體動而至來數也此陰陽上下交爭虛實更作陰陽相移也極則陰陽俱衰衛氣相離

欽定四庫全書

痲瘋論疏

故病得休衛氣復集則復病也其作有日晏日早者邪氣客於風府也衛氣一日一夜大會於風府循膂而下日下一節二十一日至骶骨故其作也日益晏也二十日入於脊內注於伏膂其氣上行九日出於缺盆其氣日高作復日益早也有不當其風府而作者謂邪中異所則不當其風府也如中於頭項者氣至頭項而作中於肩背者氣至肩背而作中於腰脊者氣至腰脊而作中於手足者氣至手足而作中於胸腹者氣至胸腹



而作故衛氣之所在與邪氣相合則病作是以風無常
府邪氣之所合即其府也若痲之間日或至數日作者
其氣舍深內薄於陰陽氣獨發陰氣內着陰與陽爭不
得出是以間日及間數日而作也間日作者邪氣內薄
於五藏橫連募原也間數日作者邪氣與衛氣客於六
府而有時相失不能相得故休數日乃作也但所中之
府即諸經募之舍更當兼見諸經募之證如舍屬足太
陽者更令人頭重腰痛寒從背起先寒後熱熇熇暍暍

欽定四庫全書

痲瘧論疏

然熱止汗難已舍屬足陽明者更令人洒淅寒寒甚以
乃熱熱去汗出時喜見日月光得火氣乃快然舍屬足
少陽者更令人身體解休寒不甚熱不甚惡見人心惕
惕熱以汗出甚舍屬足太陰者更令人不樂好太息不
嗜食多寒熱汗出多病至則喜嘔嘔已乃衰舍屬足少
陰者更令人嘔吐甚多寒熱熱多寒少欲閉戶自處其
病難已舍屬足厥陰者更令人腰痛少腹滿小便利如
瘰狀非瘰也數便耳意恐懼氣不足腹中悒悒然舍屬



肺募者更令人心寒寒甚熱熱間善驚如有所見也舍
屬心募者更令人煩心甚欲得清水反寒多熱不甚舍
屬脾募者更令人寒腹中痛熱則腸鳴鳴已出汗舍屬
肝募者更令人色蒼蒼然太息其狀若死舍屬腎募者
更令人洒洒然腰脊痛宛轉大便難目眴眴然手足寒
舍屬胃募者更令人善饑不能食食則腹支滿也此但
詳足經而無手經者經云風寒暑火天之陰陽也三陰
三陽上奉之又邪不干藏列藏證者非真藏之藏乃藏

欽定四庫全書

痲瘋論疏

募之氣化證也更有曰溫曰寒曰痺曰牝者溫即先熱
後寒之溫瘧也內分二種其一夏亦傷暑秋亦中風後
更傷寒則暑熱在內風氣在中寒獨在外故唯寒風互
為上下不涉營舍之暑以勢唯兩岐難於三向故也其
先熱者風乃陽邪是以先外出而上從乎寒則外勝外
勝故先熱也逆則復內入而下從乎風下從乎風則外
負外負故後寒也其二證兼腦髓爍肌肉消亦先熱後
寒同名溫瘧者此先冬中寒風藏於骨髓以冬氣通於



腎腎藏骨髓之氣也至春陽氣大發邪氣不能自出因
遇大暑腠理發泄或有所用力邪氣與汗皆出先從內
出之外也如是者陰虛而陽盛陽盛故先熱衰則氣復
入入則陽虛陽虛故後寒也寒即先寒後熱之寒癩也
亦夏傷大暑其汗大出腠理開發因遇夏氣淒滄之水
寒藏於腠理皮膚之中秋更傷風則病成矣此先傷水
寒後傷風氣故先寒而後熱也暑亦在內勢亦兩岐止
此一種無有其二癩即但熱不寒之癩癩也亦分二種

欽定四庫全書

痲癩論疏

悉屬內因其一陰氣先絕陽氣獨發則少氣煩冤手足
熱而欲嘔以陽即熱不假外邪一唯似暑故無寒也其
二肺素有熱氣盛於身厥逆上衝中氣實而不外泄因
有所用力腠理開風寒舍於皮膚之內分肉之間而發
發則陽氣盛陽氣盛而不衰則病矣不及於陰故但熱
而不寒其氣內藏於心而外舍於分肉故令人消爍肌
肉此以似暑之肺熱為內因更受寒風為外因者也牝
即但寒不熱之牝癩也夏亦傷暑秋亦中風但陽氣獨



沈不能挈陰自下而上為陽實虛陰仍實此仲景先生
補癩論之遺闕有瘰必有牝故也至有隨四時而作者
則證形少別於常法如秋病者寒甚冬病者寒不甚春
病者惡風夏病者多汗乃若得之於冬而發之於夏藏
之於心而顯之於肺者雖亦似因時異形此即溫與瘰
之因分內外更超於常法者也以上約略兩論之常稍
置先後云爾

本經唯列刺法先於癩之未發時陽未并陰陰未并陽

欽定四庫全書

痲癩論疏

因而調之真氣乃復邪氣乃亡故先其時堅束其處令
邪氣不得入陰氣不得出審候見之在孫絡盛堅而血
者皆取之如舍屬足太陽者刺郄中郄中者金門也在
足外踝刺入同身寸之三分此陽維別屬也舍屬足陽
明者刺衝陽在跗骨動脈上去陷谷三寸刺入三分留
十呼此足陽明原也舍屬足少陽者刺俠谿在足小指
次指岐骨間本節前之中刺入三分留三呼此足少陽
榮也舍屬足太陰者刺公孫在足大指本節後一寸刺



入四分留七呼此足太陰絡也舍屬足少陰者刺太鍾
或太谿太鍾在足內踝後街中刺入二分留七呼此足
少陰絡也太谿在足內踝後跟骨上動脈陷者中刺入
三分留七呼此足少陰俞也舍屬足厥陰者刺太衝在
足大指本節後二寸陷者中刺入三分留一呼此足厥
陰俞也舍屬肺募者刺列缺合谷列缺在手腕後寸半
刺入三分留三呼此手太陰絡也合谷在手大指次指
岐骨間刺入三分留六呼此手陽明所過也舍屬心募

欽定四庫全書

痲癩論疏

者刺神門在掌後銳骨端陷者中刺入三分留七呼此
手少陰俞也舍屬脾募者刺商丘在足兩踝下微前三
寸陷者中刺入三分留七呼此足太陰經也舍屬肝募
者刺中封見血在內踝前一寸半陷者中仰足取之伸
足得之刺入四分留七呼此足厥陰經也舍屬腎募者
刺太鍾太谿取法如前足少陰例舍屬胃募者刺足陽
明太陰橫脈出血屬兌解谿三里悉主之屬兌在足大
指次指之端去爪如韭葉刺入一分留一呼此足陽明



井也解谿在衝陽後三寸半腕上陷者中刺入五分留
五呼此足陽明經也三里在膝下三寸胫骨外廉兩筋
分肉間刺入一寸留七呼此足陽明合也此十二瘡者
其發各不同時當先察其病形以知其舍於何舍則知
衛氣所集時矣須未發時如食頃而刺之一刺則衰二
刺則知三刺則已不已刺舌下兩脉出血又不已刺郄
中盛經出血又刺項已下挾脊者必已舌下兩脈者廉
泉也如未暇審其所舍必先問其病之所先發者先刺

欽定四庫全書

痲瘋論疏

之如先頭痛及重者先刺頭上上星百會及兩額懸顱
兩眉攢竹間出血如先項背痛者先刺風池風府大杼
神道間出血如先脊脊痛者先刺郄中出血如先手臂
痛者先刺手少陰陽明十指間出血如先汗出惡風者
風瘡也刺三陽經背俞之血者如骭痠痛甚按之不可
得者曰附髓病以鑱鍼鍼絕骨出血立止或瘡之始發
也身欲寒時先刺手陽明太陰足太陰陽明之井俞身
方熱時更刺跗上動脈開其空出其血此即陽明脉也



若癰脉滿大急者刺背俞及伍佉俞用中鍼各一適肥
瘦出其血背俞謂大杼伍佉俞謂譙譙也若脉小實急
者灸脛之復溜在內踝上二寸陷者中灸五壯此足少
陰經也更刺指之至陰在足小指外側去爪甲如韭葉
刺入一分留五呼此足太陽井也若脉緩大虛者便宜
用藥不宜刺矣設刺諸陰之井無血出間日一刺癰不
渴間日作者刺足太陽渴而間日作者刺足少陽溫癰
不出汗者為五十九刺此皆無往而未得其併者也過

欽定四庫全書

痲瘋論疏

之則失其時矣如癰之且發也陰陽之且移也謂其氣
逆未可治也故經言無刺熇熇之熱無刺渾渾之脈無
刺漉漉之汗正方其盛時必毀及其衰也勢必大昌此
之謂也

從來藥治方劑固多獨缺全局唯金壇王肯堂先生輯
證治準繩內立二方其一用升麻茈胡葛根羌活防風
甘草其二用石膏知母粳米桃仁紅花猪苓鯪鯉甲亦
各得全局之半今復為一雖復實竒誠竒方之宣劑也



以之為主俾即主知常因常達變於是化而裁之推而用之神而明焉存乎其人矣

蓋痲與瘧乃風與暑合作為病應從兩治矣但氣病之至所有遠近上下及新故重輕之別則適其至所而為方治亦有奇偶重複及從逆反佐之殊先釋主方大略次後便於分析也先因於暑暑即火熱必鬱肺金之燥化轉夏成秋溽暑自息故藥皆從乙庚合化法即以五種風藥為乙白虎全方為庚獨金火相刑難於交遞更

欽定四庫全書

痲瘧論疏

以甘草之土維持長夏欲藉火土授受之際方堪對待夏火上極之勢轉為秋金下降之令此即點火成金不煩另覓種子者也雖轉成金金不生水寧成生化縱使夏火頓除不過暫時潛伏又以知母陰潤之水以復母譬即淫勝鬱復法也若金鬱則泄之解表利小水者風藥猪苓是矣更因於風風即風木必動脾土之濕化脾土運行風斯息矣故藥亦從甲巳合化法即以五種風藥為甲甘草為巳又稭米石膏為金乃土轉生金復驅



風木也若土鬱則奪之行土用者土以生木為用風藥屬木正所以行土用也又風併衛氣亦須治風五種風藥正治風之劑又衛氣下陷營中併致三陽亦陷唯挈三陽衛氣自持如羌活之挈太陽葛根之挈陽明芫胡升麻防風之挈少陽是也但偏重少陽者樞機維持開闔故也又暑藏營舍亦須治暑白虎全方正治暑之劑藏之營舍亦須治營桃仁紅花之類是也若鮫鯉穴山而居遇水而入則是出陰入陽穿其經絡於營舍舍且

欽定四庫全書

痲瘋論疏

傾倒暑更何從棲息耶又有兼沐浴之水氣舍於皮膚者即以猪苓徹之更有兼淒滄之水寒侵着肌腠者猪苓固能利徹更須佐以辛溫乃可對待水寒之寒羌活芫胡之類是矣故風暑合作其始也形證必稍偏於風此因未易釀熱先須重於從風輕於從暑不必盡用全方解表利小水足矣以則暑熱熾盛風亦釀熱方稱二氣平均現證始無偏勝乃從全方合法也此但指風暑初中時二氣無偏負者言設有暑勝於風現證必稍



偏於暑者治宜從暑而帶風亦有風勝於暑現證稍偏於風者治宜從風而帶暑甚至有暑熱獨熾惟現暑象絕無風證者治惟從暑不必兼風此種世人目為中暑者謬矣蓋暑則常顯而不休瘧則時間而時甚縱或無間亦必刻期加重或七日九日十四日暑雖縱橫殆甚以則勢必稍遜以汗以熱亦即所以泄暑也未現之風至此始露方寒來而熱往熱往而寒來始從兩治法也以上獨暑氣偏勝與瘧瘧之但熱者不同類瘧則獨見

欽定四庫全書

痲瘋論疏

瘧瘧之形證此則惟暑氣勝於風寒者也又甚至有風氣獨盛惟顯風證絕無暑象者治惟從風不必兼暑此種世人目為傷寒或為中風或以之風暑俱現轉語云風寒轉而成瘧者亦謬矣蓋寒與風惟冬中傷即時為病各顯標本之化其不即病者至春始變為溫至夏始變為暑暑病者熱極重於溫也始現證時便不惡寒一惟惡熱且煩且渴而無汗若風之至夏亦變暑病者更加自汗出鼻息齟語難出脉浮而身重也故此溫此暑



惟春惟夏隨時變遷亦即隨時現證是以隨時命名至夏則人身出機已盡無復伏藏故不得不隨夏出之機發露殆盡未聞猶可伏匿至秋反見冬時即病之寒化而無標證之陽象者經云夏惟傷暑秋成痲瘧亦如寒風至春變溫至夏變暑同一機衡由此觀之夏月寒風從何而至更可云寒風轉而成瘧乎此不知夏雖傷暑不若秋風之獨厲是以惟見寒風絕無暑象亦如暑熱獨熾時問時甚或刻期增劇或七日九日十四日風雖

欽定四庫全書

痲瘧論疏

摧拉至此勢亦稍遜作熱作汗亦即所以泄風也其伏匿之暑與風始無偏勝方得均平互為顯現亦始從兩治法也以上惟風氣專令與牝瘧之但寒者不同類牝則獨現牝瘧之形證此則惟風氣勝於暑熱者也若瘧之內薄於陰者治固同法但暑舍深邃與淺近者方有異同先須度二氣之勝負但偏於向營即從主方隨證損益次後治暑如石膏稭米箐竹葉之類佐以海螵蛸驅逐營舍之固結力轉營為衛矣更以常山解夏熱之



交互定陰陽之且移常即恒以不變山即艮止不遷之意也若間二日或數日發者可類推矣設兼見足太陽形證者即為舍屬足太陽宜桂枝芫胡各半湯太陽為開但寒熱交互似乎從樞故即從樞轉開甚則大青龍湯主之又太陽從本從標故可從本氣之風暑標見之寒化陽象者也兼見足陽明形證者即為舍屬足陽明宜桂枝一白虎二湯固陽明為闔止須治開開則邪去邪去則旋闔矣倍白虎一分者陽明不從標本從乎

欽定四庫全書

痲瘧論疏

中治之溼化故也甚則鼈甲煎丸主之陽明多血多氣故也設胃家實大便難者調胃承氣湯主之兼見足少陽形證者即為舍屬足少陽宜小柴胡湯少陽從本少陽為樞故也兼見足太陽形證者即為舍屬足太陽宜小建中湯太陰為開太陰從本故也設自利便膿血時腹自痛者桂枝倍芍藥加大黃湯主之此脾家實腐穢當去故也兼見足少陰形證者即為舍屬足少陰宜柴胡加細辛湯少陰為樞少陰從本從標故也兼見足厥



陰形證者即為舍屬足厥陰宜四物加苦棟附子黃芩
湯厥陰為闔不從標本從乎中治之火化故也設厥甚
者宜下之厥深熱亦深故也設稍渴氣上撞心中疼
熱飢不能食食即吐衄者烏梅丸主之兼見肺家形證
者即為舍屬肺募也先宜桂枝黃芪白薇欵冬花散次
宜秫米甘草常山之屬兼見心家形證者即為舍屬心
募也先宜桂枝黃芩湯次宜甘草蜀漆常山鼈甲石膏
香豉梔子烏梅淡竹葉之屬兼見脾家形證者即為舍

欽定四庫全書

痲瘋論疏

屬脾募也先宜小建中湯次宜粳米常山甘草知母鼈
甲之屬兼見肝家形證者即為舍屬肝募也先宜通脈
四逆湯次宜烏梅蜀漆鼈甲女萎知母苦參常山石膏
甘草細辛白薇香豉之屬兼見腎家形證者即為舍屬
腎募也先宜桂枝加當歸芍藥湯次宜篋竹葉常山烏
梅香豉葱白之屬兼見胃家形證者即為舍屬胃募也
先宜桂枝二白虎一加芍藥黃芩牡桂湯次宜藜蘆常
山皂莢牛膝巴豆之屬若先熱後寒之溫瘧其一宜桂



枝二麻黃一湯其二宜欵冬白薇茹蘆圓若先寒後熱之寒瘧宜麻黃二桂枝一小青龍一湯若但熱不寒之瘧瘧其一宜女萎石膏湯或葛根猪苓湯其二宜香豉梔子括樓湯若但寒不熱之牝瘧宜蜀漆湯或牡蠣湯若秋病者寒甚先宜從風以扶陽次宜主方兩治法也若冬病者寒不甚先宜藿香正氣散次投主方亦可但當重於從風輕於從暑此必先歲氣無伐天和故也若春病者惡風先宜柴樸湯次投主方亦可若夏病者多

欽定四庫全書

痲瘋論疏

汗主方主之雖時值暑氣流行亦須偏於從風俟暑風平等本標互顯乃可從兩治法也設病反其本而已轉標陽然於主方重於從暑甚則惟得標方一惟治暑宜白虎湯或竹葉石膏湯更當視其內外證如寒已罷而作熱之時必大煩喝大汗出面垢齒垢消渴飲冷而未解者乃可投之設暑證雖具面齒雖垢而作熱之時縱冰水不能寒仍覺淅淅惡風者還從主方重於從風更有一種雖淅淅惡風或嗇嗇惡寒非若怯寒風之表



虛反若遇寒風而身熱愈熾者此屬陰微陽亢又當重
於從暑更有一種寒極而熱熱極而汗汗極而熱不解
者表未去也又當重於從風設脉反躁疾或遲伏或狂
言迷亂或嘿嘿不欲言不為汗解者病名陰陽交交者
死不治更有一種熱極而汗汗極而熱愈熾或渴或不
渴肢體痛煩筋脉攣急汗仍蒸蒸不已者此屬寒薄營
氣轉作燎炎設偏於從風必口爛舌斷立見殂斃矣法
當宣攝營氣以潤筋膜若兼身重木強筋肉壅腫者此

欽定四庫全書

痲瘧論疏

又屬風溼相搏法當宣攝衛氣以充肌腠更有一種外
證汗出惡熱內證胃家實大便難者此屬陽明內結更
有一種汗煩喘渴消渴飲冷水舌苔白滑隨飲隨涸者
此屬胸中熱若舌苔白滑者此又屬胸上寒更有一種
汗煩喘渴消渴飲冷水胸中滿悶心下悸冲或嘔或噦
或欬或噎者此屬水鬱若水藥入口即吐者此又屬水
逆更有一種大汗出後胃中乾煩躁不得眠欲得飲水
者少少與飲之令胃氣和則愈若脉浮微熱消渴者此



屬胸中水涸若虛煩不得眠反覆顛倒心中懊懣者此
又屬胸中客熱更有一種汗煩喘渴消渴飲沸湯舌苔
白滑者此屬胃中寒若舌苔灰白頻飲頻涸者此又屬
胃中熱更有一種舌苔白滑垢膩涎濁者此有宿食未
化也在上脘者當吐之在胃中者當下之若時下利食
飲不進惡聞食臭噯氣難舒者亦屬有宿食設偏於從
風必續自汗出手足寒胃中乾縱轉行承氣輩亦難下
達腸胃矣更有一種齒舌燥涸或渴飲冷水或渴飲沸

欽定四庫全書

痲瘧論疏

湯而中藏陰寒者不可概作熱論或食宿飲留則唾液
罔周致齒舌燥涸者有之或鼻塞唇揭則吸呼從口致
唇舌燥涸者亦有之更有一種舌苔青黑亦不可槩作
熱論或少啖甘酸便令青黑實非本有之色也更有一
種舌本無苔而舌皮光薄且紅白柔嫩宛如新生望之
若有津唾抹之燥涸殆甚者此屬妄汗吐下走亡血液
所致死不治也以上皆寒熱虛實之變附錄以備料簡
至若病久不愈者此病結為癥瘕急治之宜鼈甲煎圓



虛勞者宜蜀漆圓或牛膝湯或丁香酒如或暑風淫併而經隧廢弛或寒熱遷變而升降失序或虛實更作而上下交持或表陽散懈而裏陰獨沈或營衛虧竭而血氣損傷或故病未攘而新邪再襲或食飲過饜而飲留食宿或以慾竭精而形藏化薄或煩勞則張精絕或大怒則形氣絕或憂愁思慮復傷脾或形寒飲冷復傷肺或強有用力或勞汗當風或夙疾反顯而新疾似隱或新疾方痊而夙疾轉熾或有似是而非或有似非而是

欽定四庫全書

痲瘧論疏

種種證因亦令病久不愈者更當度情志之苦欲補瀉及後先輕重而消息之又不可偏執諸方而概投之矣蓋暑藏營舍而為汗煩喘喝及體若燔炭正暑氣宣發之本性耳固稱必鬱肺金之燥化與痺營血之流行而無肺金營血之標證者正所謂在天成氣氣惟鬱化亦所謂先為是動未所生也設不亟正治或早加禁截則在天之暑氣轉而成在地之火行乘刑金藏及後為所生病矣如火乘金藏則少氣喘欬血溢血泄嘔噎嗝乾



耳聾目赤肩背熱癢疹瘰癧身熱膚痛為浸淫甚則肺
氣焦滿胸中隱隱刺痛口中辟辟燥效唾涎沫穢濁者
肺痿唾膿血腐臭者肺癰此皆火乘金藏所致也如後
所生則痺血成勞血脉虛少不能營於五藏六府身體
不仁肌肉甲錯兩眸黑暗目瞑目眩鬚眉落毛髮折四
肢痠痛熱煩行動則喘喝手足厥寒衄血咯血卒喘悸
冲咽乾舌涸裏急少腹堅小便癃腰脊痛陰頭寒精氣
清冷夢交失精魂魄飛墮殮泄澹泄食穀不消腸鳴幽

欽定四庫全書

痲瘧論疏

幽臚腹都滿善盜汗虛煩不得眠馬刀挾瘦此皆痺血
成勞所致也蓋風併衛居而為寒慄鼓頷及善行數變
正風氣摧拉之本性也固稱必動脾土之溼化與痺衛
氣之外衛而無脾土衛氣之標證者亦所謂在天成氣
氣惟鬱化亦所謂先為是動未所生也設不亟正治或
早加禁截則在天之風氣轉而成在地之木行乘尅土
藏及後為所生病矣如木乘土藏則黃疸腸澼肌肉消
瘦飲食不能為肌膚體重煩冤腸鳴腹支滿身臍憤舌



難言口吐沫甚則三焦無所御四維斷絕肢體尪羸獨
足腫大此皆木乘土藏所致也如後所生則痺氣成勞
內閉九竅外壅肌肉衛氣散懈少氣不足言皮聚毛落
血菀於上陰不勝其陽則脉流薄疾并乃狂陽不勝其
陰則五藏氣爭九竅不通甚則目盲不可以視耳閉不
可以聽漬漬乎若壞都汨汨乎不可止此皆痺氣成勞
所致也蓋或兼得之以沐浴水氣舍於皮膚之內與衛
氣併居者濕化也設濕化不攘則一身盡疼飲發中滿

欽定四庫全書

痲瘧論疏

頭汗出首如裹身黃背強欲得被覆向火甚則肌肉萎
行善癭四肢不舉歷節黃汗腹滿食減澹泄腸鳴反下
甚設更早加禁截則濕化轉而成土乘侮水藏矣當病
腹痛清厥意不樂體重煩冤胸中不利陰痿不用腰脛
痛少腹痛心下痞痛動轉不便時害於食足脛寒而逆
此皆濕化乘勝所致也蓋或兼遇夏氣淒滄之水寒藏
於腠理皮膚之中者寒化也設寒化不折則水失體用
而心氣抑心下悸寢汗憎風甚則奔氣欬喘水飲支飲



眼下浮起如卧蠶脛腫腹大若蠱狀設更早加禁截則
寒化轉而成水乘傳火藏矣當病身熱躁悸骨肉不相
着足痿不收持濡泄血溢陰厥奔豚上下中寒譫語心
痛熱中脅悶渴而妄冒此皆寒化乘勝所致也如或暑
藏營舍舍屬足太陽經脉之界分兼見頭重腰痛寒從
背起先寒後熱熇熇暍暍然熱止汗難已之經化證者
不亟正治或早加禁截必注之經而溜之府當病衝頭
痛挾脊痛目似脫項似拔腰似折髀不可以屈脰如結

欽定四庫全書

痲瘋論疏

踣如裂尻 脚皆痛小指不用甚則癩狂頭顛項強痛
目黃淚出眦劬癢閉戴眼直視而遺溺如或暑藏營舍
舍屬足陽明經脉之界分兼見洒淅寒寒甚以乃熱熱
去汗出時喜見日月光得火氣乃快然之經化證者不
亟正治或早加禁截必注之經而溜之府當病顏黑善
呻數欠惡人與火聞木聲則惕然而驚心欲動獨閉戶
塞牖而處甚則欲上高而歌棄衣而走責響腹脹狂亂
溫淫汗出鼻衄口喎唇胗頸腫喉痺大腹水腫膝臃間



腫痛循膺乳氣銜股伏兔胛外廉足跗上皆痛中指不
用胃中熱則消穀身以前皆熱胃中寒則脹滿身以前
皆寒有不得隱曲女子不月其停風消而息賁如或暑
藏營舍舍屬足少陽經脉之界分兼見身體解衾寒不
甚熱不甚惡見人心惕惕熱以汗出甚之經化證者不
亟正治或早加禁截必注之經而溜之府當病口苦善
太息心痛脇痛不可轉側面有微塵體無膏澤足外熱
小指次指不用甚則頭領痛目銳眦痛缺盆中腫痛胸

欽定四庫全書

痲瘧論疏

脇肋髀膝外外踝脛絕骨前諸節痛時寒熱馬刀挾瘦
狐惑智失而黃出如或暑藏營舍舍屬足太陰經脉之
界分兼見意不悅好太息不嗜食多寒熱汗出多病至
則喜嘔嘔已乃衰之經化證者不亟正治或早加禁截
必注之經而溜之藏當病舌本強胃腕痛腹脹善噫而
嘔甚得後與氣乃快然如衰身體重大指不用甚則舌
本痛體難動搖食不下煩心心下急痛澹瘦飧泄水閉
黃疸不能卧而強立或怠惰嗜卧股膝內腫厥四肢痿



易而不收如或暑藏營舍舍屬足少陰經脉之界分兼
見嘔吐甚多寒熱熱多寒少欲閉戶自處其病難已之
經化證者不亟正治或早加禁截必注之經而溜之藏
當病噎痛領腫不可以顧肩似拔臑似折甚則耳聾目
黃兩頰間腫頸領肩臑肘臂外後廉皆痛小腹急痛泄
如下重足脛寒逆而骨痠如或暑藏營舍舍屬足厥陰
經脈之界分兼見腰痛少腹滿小便數如癰狀氣不足
意恐懼腹中悒悒然之經化證者不亟正治或早加禁

欽定四庫全書

痲瘧論疏

截必注之經而溜之藏當病腰脇痛不可俛仰丈夫癩
疝婦人少腹腫甚則噎乾面塵脫色胸滿嘔逆飧泄狐
疝四肢滿閉淋洩便難而轉筋如或暑藏營舍舍屬肺
募之界分兼見心寒寒甚熱熱間善驚如有所見之藏
化證者不亟正治或早加禁截邪干肺藏矣當病發效
上氣甚則大骨枯槁大肉陷下胸中氣滿喘息不便其
氣動形期六月死如或暑藏營舍舍屬心募之界分兼
見煩心甚欲得飲清水反寒少熱不甚之藏化證者不



亟正治或早加禁截邪干心藏矣當病筋脉相引而急甚則大骨枯稟大肉陷下胸中氣滿腹內痛心中不便肩項身熱破腠脫肉目匡陷真藏見目不見人立死其見人者至其所不勝之時則死如或暑藏營舍舍屬脾募之界分兼見寒甚腹中痛熱則腸鳴鳴已汗出之藏化證者不亟正治或早加禁截邪干脾藏矣當病發瘰腹中熱煩心出黃甚則大骨枯稟大肉陷下胸中氣滿喘息不便內痛引肩項身熱脫肉破腠真藏見十日之

欽定四庫全書

痲瘧論疏

內死如或暑藏營舍舍屬肝募之界分兼見色蒼蒼然善太息其狀若死之藏化證者不亟正治或早加禁截邪干肝藏矣當病脇痛出食甚則大骨枯稟大肉陷下胸中氣滿喘息不便內痛引肩項期一月死如或暑藏營舍舍屬腎募之界分兼見洒洒然腰脊痛宛轉大便難目眴眴然手足寒之藏化證者不亟正治或早加禁截邪干腎藏矣當病少腹寬熱而痛出白甚則大骨枯稟大肉陷下肩髓內消動作益衰真藏未見期一歲死



見其真藏乃與之期日如或暑藏營舍舍屬胃府之界
分兼見善饑不能食食則腹支滿之府化證者不亟正
治或早加禁截邪入胃府矣當病留飲吐沫闕格虬結
天癸竭精氣衰少甚則羸瘦短氣胃絡脉絕陽絡傷則
吐血陰絡傷則便血見血即死如或暑藏營舍次復風
寒兩襲而作先熱後寒之溫瘧者不亟正治或早加禁
截多致痺氣血而成風痺以次乘傳所謂痺傷形移皆
有次也或致風鬱成黃或致邪逆胸腹而成蠱也更有

欽定四庫全書

痲瘋論疏

一種冬中寒風藏於骨髓次遇大暑邪氣與汗皆出證
見骨髓消肌肉爍亦先熱後寒同名溫瘧者不亟正治
或早加禁截多致形藏損至皮聚而毛落至骨痿不能
起於床者死或骨痿不能起於床至皮聚而毛落者死
所謂至從下上損從上下也如或暑藏營舍次遇夏氣
淒滄之水寒更中秋氣降肅之風化而作先寒後熱之
寒瘧者不亟正治或早加禁截亦致痺氣血而成痛痺
或致水閉成疸或致水飲溢出肌膚腸胃之外而成腫



也如或陰氣先絕陽氣獨發證見少氣煩冤手足熱而欲嘔而作但熱不寒之痲瘋者不亟正治或早加禁截多致身體灼熱目盲狂走或致熱氣所過則為癰膿或致胃疽腸腐其人死身色赤腋下溫心下熱也更有一種肺素有熱厥逆上衝中氣實而不泄因有所用力腠理開風寒舍於皮膚之肉分肉之間而發證見肌肉消爍亦但熱不寒同名痲瘋者不亟正治或早加禁截多致喘欬血溢毛髮焦折或致肺痿肺癰吐涎沫及濃血

欽定四庫全書

痲瘋論疏

也如或暑藏營舍風併衛居獨表氣微虛不能挈陰自下而上而作但寒不熱之牝瘋者不亟正治或早加禁截多致陰陽離決血菀於上或致重陰則癩脫陽見鬼其人死身色青脛先寒唇先黑也如或春病者惡風夏病者多汗冬病者寒不甚不亟正治或早加禁截其變生形證此則因時之序以顯經藏之化或已兼經藏之化此又因經藏界分轉生變承矣至於間日發或間數日發者不亟正治或早加禁截其變生形證以其舍深



橫連募原內薄六府則易干藏府多致病死不治也然則夏令暑熱之氣為致病之本因人身營氣之舍為奉本之標見秋氣降肅之風沐浴之水淒滄之寒為成病之宗乘若衛氣三陽此則作病之關機經藏界分此又營舍之畛畦也故寒熱間作及兼經藏之化曰常注經溜府及見乘勝之證曰變是以一歲之中長幼之病多相似者以暑為時序對待所必有之氣故爾乃若五運六氣亦作痲瘋宜應別論以五歲六期始一再見為流

欽定四庫全書

痲瘋論疏

行相襲加臨之化故爾如歲火太過炎暑流行民病癘其兼證喘欬少氣血溢血泄耳聾噎燥中熱肩背熱如歲木不及復則炎暑流火民病寒熱其兼證癩疹癰瘰如赫曦之紀炎暑施化民病笑瘡其兼證瘡瘍血流狂妄目赤如陽明司天燥氣下臨暴熱乃至民病寒熱其兼證心痛如少陰司天熱氣下臨大暑流行民病寒熱其兼證喘嘔噎吐衄鼻窒如陽明之政炎暑大行民病寒熱其兼證欬逆噎塞振慄癢悶三之氣燥熱交合



民病寒熱其兼證喘欬氣上四之氣寒雨降民病瘧寒
之疾其兼證骨痠血便暴仆振慄譫妄少氣噤乾引飲
及為心痛癰腫瘡瘍如少陽之政炎火乃流民病寒熱
瘧其兼證聾瞑色變如太陰之政四之氣溽暑蒸化民
病瘧其兼證膝理熱血暴溢心腹臏滿而熱甚則肘腫
如少陰之政三之氣大火行民病寒熱更作其兼證欬
喘目赤氣厥心痛四之氣溽暑至民病寒熱其兼證噤
乾黃瘧孰飶飲發如火鬱之發大暑至民病溫瘧其兼

欽定四庫全書

痲瘧論疏

證瘕瘕骨痛四肢膜憤瘍癩嘔逆腹暴痛血溢流注目
赤心熱甚則脅悶懊懣溫汗濡玄府善暴死也如厥陰
在泉風淫所勝民病洒淅振寒其兼證欠呻兩脇裏急
心腹支滿鬲咽不通食則嘔逆腹脹善噫得後氣乃快
然身體皆重如少陰在泉熱勝則熖民病寒熱如瘧其
兼證皮膚痛目瞑齒痛頰腫腸鳴氣上喘不能久立少
腹中痛而腹大如少陰司天熱淫所勝民病寒熱其兼
證欬喘氣中唾血孰飶溺色變甚則瘡瘍肘腫肩背臂



臍缺盆中痛肺脹滿膨膨而喘欬如少陽司天火淫所
勝民病頭痛發熱惡寒而成瘧其兼證皮膚熱痛色變
黃赤欬唾血溢熱中仰息傳而為水身面跗腫如陽明
司天燥淫所勝寒清於中感而成瘧其兼證左股脇痛
欬而腹鳴注泄驚澹甚則心暴痛不可反側噤乾面塵
如太陽之勝凝凜且至民病瘧其兼證寒厥入胃内生
心痛陰中廼瘍隱曲不利筋肉拘苛血脈凝泣目如脫
寒入下焦傳為濡瀉如少陰之復燠熱內作民病寒熱
欽定四庫全書
痲瘋論疏
其兼證振慄譫妄寒已而熱膚痛暴瘡少氣骨痠膈腸
不便外作浮腫如少陽之復大熱將至民病瘧其兼證
鼓慄寒極寒極乃熱血溢血泄少氣脈萎噤絡焦枯渴
飲水漿上為口糜下為跗腫赤黃色變小便數而欠也
顧運行之相襲及主客之加臨亦莫不以暑熱為本因
營舍為標見但所顯證形皆屬藏化所謂病所勝之藏
承所不勝之氣故也制方施治各有宜忌高則抑之下
則舉之有餘折之不足補之佐以所利和以所宜同則



異之異則從之治寒以熱治熱以寒所以順流行安主
客而適寒溫也設不察時令與流行主客之差別而概
治之甚至早加禁截多令暴亡所謂中運行者十全五
中天刑者無一生行傷藏故也可不慎歟頤性生木魯
不敢強作臆說以資觀聽謹從經論詳別因證之常變
衍疏成編聊備參考豈漫云著述乎况未盡實多千里
比肩端祈指駁

附方

欽定四庫全書

痲瘋論疏

計錄方三十八則聊備因證之常其變乘氣運先賢未
經詮則頤又何敢妄叅或藉此化而裁之則海內諸方
多堪擇用誠神而明之則存乎其人焉爾至於揀選藥
石從上古人不唯審方域辨氣候必蓄司歲孕生之物
以備一紀之需恐失所精專難以待從逆反佐遂苦欲
補瀉也但世苦綿力七年之病猶難三年之艾况品物
咸具者乎是以雷公精叅炮炙以補不逮設併棄置勿
遵更或良楛不侔直欲制挺而撻堅利烏乎可



癰主方

諸方分兩已從古方裁減或三之二或五之四設更欲增損須諒因證之微甚以為去就然方大病易除方小病難已也

白虎青龍各半湯

柴胡 取銀州者去鬚及頭用銀刀削去黃薄皮少許粗布拭淨剉細勿令犯火七錢

升麻 不經雨暘者形色翠碧削去皮用黃精汁浸一宿暴乾剉蒸再暴三錢

葛根 取潔白肥嫩者用雪水或秋露潤透切片陰乾九錢

欽定四庫全書

痲瘋論疏

羌活 去頭細剉以淫羊藿拌泥三日暴乾去藿五錢

防風 勿用叉頭叉尾者叉頭令人發狂叉尾發人癩疾取肥大柔潤色黃通理者剉細五錢

甘草 取黃中通理者去頭尾尖處各四五寸僅取中節切作寸許長入磁器中好酒浸蒸從已

至午取出暴乾剉細七錢五分

知母 槐砧上剉細乾木白杵搗數千下勿犯鐵器七錢

石膏 取潔白如泉鐵者研極細用甘草水飛三遍澄清去水晒乾再研三兩

桃仁 去皮同白木烏豆置磁器中煮三伏時取出劈開心黃如金色為度暴乾搗爛五錢

紅花 粟米泔浸片刻取出用布袋絞去黃汁青蒿拌覆一宿晒乾三錢五分



猪苓

銅刀削去黑皮切作薄片用東流水浸一宿取出剉細以升麻葉對拌蒸一日去葉暴乾如無葉即升麻亦可九錢

鯪魚甲

取近尾甲好酒浸一日擇高潔地上掘一瓦上實土勿令氣泄俟冷取出研碎另掘一土穴埋甲過宿次早取用五錢五分

粃米

一合
淘淨

右十三味以水三升五合先煮粃米減半升去粃米

同諸藥煮取升半去滓分三服露置星月下高潔處

橫刀其上寅卯時取初服再煮數沸俟病者睡熟推

欽定四庫全書

痲瘋論疏

醒服服畢莫共人語覆蓋取微似汗二服未發前半

時許服服畢溫覆勿使寒慄大作熱亦漸減三服發

後半時許服服畢再半時許方歡熱粥飲蓋許以充

營衛勿食他物損傷藥力也

痲轉方

主方
同癰

篋竹蠖蛸湯

篋竹葉

取向東枝葉摘去蟲蝕及有蟲卵穢跡者東流水洗淨二兩

海蠖蛸

取潔白輕脆重重有紋如通草者用血滴作水浸之併煮一伏時取出掘一土穴燒



<p>通紅色入螺蛳在內經 宿取出研作粗末五錢</p>	<p>常山 連根苗收採者良臨用時去苗以甘草剉碎 用東流水潤溼同拌蒸半炷香勿令氣泄俟</p>	<p>冷去甘草暴乾再用好酒潤 一宿取出暴乾熬搗七錢</p>	<p>秫米 三百粒 淘洗</p>	<p>石膏 三兩修事 同癰主方</p>	<p>右五味以水三升置銅器中浸露星月下高淨處橫</p>	<p>刀其上黎明取藥於病者卧榻之側緩火煎取升半</p>	<p>分溫三服清旦一服未發前食頃一服臨發一服三</p>	<p>欽定四庫全書 痲瘋論疏</p>	<p>服訖靜室中溫覆卧當一日勿澡洗併用藥汁塗手</p>	<p>足心及心胸頭面滓亦置枕畔令聞藥臭過時不發</p>	<p>乃澡洗進食</p>	<p>太陽二方</p>	<p>桂枝柴胡各半湯</p>	<p>桂枝 去皮勿令 犯火三錢</p>	<p>芍藥 去黃赤皮一層用蜜水拌蒸 三次暴三次焙乾剉碎五錢</p>	<p>大棗 取肥大者 四枚連核劈開</p>
--------------------------------	---	-----------------------------------	----------------------	-------------------------	-----------------------------	-----------------------------	-----------------------------	------------------------	-----------------------------	-----------------------------	--------------	-------------	----------------	-------------------------	---------------------------------------	---------------------------



<p>生薑 七錢 切片</p>	<p>柴胡 九錢 修事 同癰主方</p>	<p>黃芩 取中腐心黑者佳用臈水或梅水浸 一宿取出蒸半炷香暴乾剉用七錢</p>	<p>半夏 每一兩用白芥子末七錢 臈醋四兩攪濁數 千下將半夏投中洗五七遍再用水漂三遍</p>	<p>暴乾剉 碎七錢</p>	<p>人參 熟參于飯上蒸透剉碎生參去蘆水浸 過宿飯上蒸三次暴三次剉碎五錢</p>	<p>甘草 去頭尾尖處各三寸切作五寸長好酒浸一 宿柳火上緩緩炙表裏皆燥為度剉碎六錢</p>	<p>右九味以水三升五合煮取升半分溫三服未發已</p>	<p>欽定四庫全書 痲瘋論疏</p>	<p>發發後各一服服法禁忌瀆同癰主方</p>	<p>大青龍湯</p>	<p>麻黃 取色青黃中心空赤 者去節剉碎七錢</p>	<p>桂枝 去皮三錢五分</p>	<p>甘草 修事同桂枝柴 胡各半湯五錢</p>	<p>杏仁 湯潤去皮尖以烏豆白火石各等分用東 流水同煮從巳至午取出搗爛三十五枚</p>	<p>大棗 四枚 劈</p>	<p>石膏 修事同癰主 方一兩五錢</p>
-----------------	----------------------	---	--	----------------	--	---	-----------------------------	--------------------	------------------------	-------------	----------------------------	------------------	-------------------------	---	----------------	-----------------------



<p>生薑 錢切七</p>	<p>右七味以水三升五合先煮麻黃減半升去上沫內 諸藥煮取一升去滓未發前溫服五合溫覆取微似 汗得汗停後服</p>	<p>陽明三方</p>	<p>桂枝一白虎二湯</p>	<p>桂枝 錢五分 去皮三</p>	<p>芍藥 修事同桂枝柴 胡各半湯六錢</p>	<p>欽定四庫全書 痲瘋論疏</p>	<p>生薑 錢切七</p>	<p>大棗 四枚 劈</p>	<p>粳米 一合 淘淨</p>	<p>甘草 修事同桂枝柴胡 各半湯七錢五分</p>	<p>石膏 修事同瘧主 方七錢五分</p>	<p>知母 修事同瘧主 方七錢五分</p>	<p>右八味以水三升五合先煮粳米減半升去粳米納 諸藥煮取升二合分溫二服未發臨發各一服</p>
-------------------	---	-------------	----------------	---------------------------	---------------------------------	------------------------	-------------------	------------------------	-------------------------	-----------------------------------	-------------------------------	-------------------------------	--



<p>鼈甲煎丸</p>	<p>鼈甲</p>	<p>烏扇</p>	<p>黃芩</p>	<p>茈胡</p>	<p>鼠婦</p>	<p>乾薑</p>	<p>芍藥</p>	<p>大黃</p>	<p>桂枝</p>	<p>葶藶</p>	<p>石葦</p>	<p>厚樸</p>	<p>牡丹</p>																
<p>取綠色九肋者東流水洗去甲外黑皮</p>	<p>甲裏皮膜柳火上緩炙令黃色三兩</p>	<p>即射干用米泔浸一宿取出以箆竹葉同東</p>	<p>流水煮之從午至亥待冷去葉暴乾七錢五分</p>	<p>修事同桂枝茈胡</p>	<p>各半湯七錢五分</p>	<p>修事同瘧主</p>	<p>方一兩五錢</p>	<p>柳火上置一新瓦焚</p>	<p>令黃色七錢五分</p>	<p>市肆者非暴乾即陰乾其力微其氣濁不堪</p>	<p>入藥其法用東流水淹三日去皮置流水中</p>	<p>漂六日更刮去皮然後暴乾置瓷缸中釀三日</p>	<p>乃成其氣清其力勝為效彌速也七錢五分</p>	<p>刮去皮一層先用蜜水潤透再用</p>	<p>好酒潤蒸暴三次一兩二錢五分</p>	<p>取文如水紋斑而紫重者剉片蒸之從巳至</p>	<p>未暴乾又酒臘水蒸之從未至亥凡七遍暴</p>	<p>乾却洒淡蜜水再蒸一伏時形如烏</p>	<p>膏樣乃暴乾入藥一兩二錢五分</p>	<p>去皮七</p>	<p>錢五分</p>	<p>同糯米合置煨上焙令米</p>	<p>熟去米搗碎三錢五分</p>	<p>去黃毛極淨否則射人肺令</p>	<p>作欬逆難療也七錢五分</p>	<p>取紫赤辛烈者刮去黃褐粗皮每一兩用</p>	<p>生薑自然汁五錢塗灸令盡七錢五分</p>	<p>銅刀去心好酒拌蒸從巳</p>	<p>至未暴乾一兩二錢五分</p>

欽定四庫全書

痲瘋論疏



<p>瞿麥 只用萼殼勿用莖葉設同用令人氣噎及小便不禁也修事用苦竹瀝浸一伏時取出暴乾五錢</p>	<p>紫葳 好酒潤暴三次七錢五分</p>	<p>半夏 用白芥子末入醋中頻攪令勻投半夏洗去涎再以水漂暴乾三錢五分</p>	<p>人參 飯上蒸熟三錢五分</p>	<p>廬蟲 柳火上置瓦蒸令黃色一兩二錢五分</p>	<p>阿膠 先以豬脂浸一宿取出柳木火上炙燥研細七錢五分</p>	<p>蜂巢 用鴉豆同拌蒸之從已至未取出焙乾研細一兩</p>	<p>赤消 即消石言赤桂者謬矣用東流水煎三炷香傾瓷盆中俟凝結盆底取用三兩</p>	<p>蜣螂 蒸一炷香焙乾去頭足再於柳木火上隔瓦炙黃色一兩五錢</p>	<p>桃仁 湯潤去皮同烏豆白火石煮令中心黃金為度暴乾五錢</p>	<p>右二十三味除鼈甲及另研末外者諸藥共作細末取鍛灶下灰一斗清酒一斛五斗浸灰於酒內候酒盡一半即用細布絞去灰着鼈甲於中煮令泛爛如膠再絞取汁納諸藥煎為丸如桐子大空心服七丸漸增至二十一丸</p>
---	----------------------	--	--------------------	---------------------------	---------------------------------	-------------------------------	--	------------------------------------	----------------------------------	--

欽定四庫全書

痲瘋論疏



調胃承氣湯

大黃

去皮清酒洗潤
一宿暴乾二兩

甘草

去頭尾尖處切作五寸長少用酒
潤柳火上炙令黃色剉碎一兩

芒消

東流水煎數百沸泌去脚傾
盆中俟凝結盆底取用四兩

右三味以水二升煮取大黃甘草八合去滓納芒消

更上火微煮令沸少少溫服之

少陽一方

小柴胡湯

欽定四庫全書

痲瘧論疏

柴胡

去頭蘆削去黃薄皮少
許拭淨剉碎一兩五錢

黃芩

取中空者用東流水潤透
蒸半炷香暴乾剉碎七錢

人參

飯上蒸
熟三錢

甘草

去頭尾酒潤炙令
黃色剉碎五錢

生薑

切片
五錢

半夏

一合用白芥子末半合釀醋二合攪數百下
投半夏于中洗五七遍再用水漂暴乾剉碎

大棗

三枚
劈

右七味以水三升煮取二升去滓再煎取升半分溫



三服未發已發發後各一服		太陰二方		小建中湯		桂枝 去皮 六錢		甘草 去頭尾酒潤炙 黃剉碎四錢		大棗 四枚		芍藥 剉去皮一層蜜水潤透蒸 暴三次剉碎一兩二錢		生薑 切六錢		欽定四庫全書 痰癰論疏		膠飴 二合		右六味以水三升煮取一升去滓納膠飴更上微火		消解分溫二服未發將發各一服嘔家酒家不宜服		酒嘔家不喜甘故也當去膠飴僅用桂枝湯主之		桂枝倍芍藥加大黃湯		桂枝 去皮 六錢		芍藥 剉去皮一層蜜水潤蒸三 次暴三次剉碎一兩二錢		大黃 清酒洗 七錢	
-------------	--	------	--	------	--	----------------	--	-----------------------	--	----------	--	-------------------------------	--	-----------	--	----------------	--	----------	--	----------------------	--	----------------------	--	---------------------	--	-----------	--	----------------	--	--------------------------------	--	-----------------	--



<p>生薑 錢切六</p>	<p>甘草 去頭尾酒潤 炙黃色四錢</p>	<p>大棗 四枚 劈</p>	<p>右六味以水三升煮取升二合去滓分溫兩服未發 臨發各一服</p>	<p>少陰一方</p>	<p>柴胡加細辛湯</p>	<p>柴胡 去頭蘆削去黃薄皮 少許拭淨剉碎一兩</p>	<p>欽定四庫全書 痲瘋論疏</p>	<p>黃芩 取中空者用流水潤透蒸 半炷香暴乾剉碎七錢</p>	<p>人參 飯上蒸 熟三錢</p>	<p>甘草 去頭尾酒潤炙令 黃色剉碎四錢</p>	<p>生薑 錢切六</p>	<p>半夏 一合用白芥子末半合 勻投半夏洗數次再以水漂暴乾剉碎</p>	<p>大棗 四枚 劈</p>	<p>細辛 取北地一根只一葉莖柔根細端直而長色 紫味辛嚼之習習如椒者始真修葺揀去雙</p>	<p>浸一宿暴乾剉碎三錢 葉者切去頭上子以瓜水</p>
-------------------	-------------------------------	------------------------	---------------------------------------	-------------	---------------	-------------------------------------	------------------------	--	---------------------------	----------------------------------	-------------------	---	------------------------	---	---------------------------------



右八味以水三升煮取二升去滓納細辛再煎取升半去滓分溫三服未發已發發後各一服

厥陰二方

四物加苦楝附子槩皮湯

當歸

去蘆頭好酒浸一宿暴乾七錢

芍藥

去粗皮一層蜜水潤蒸暴三次六錢

乾地黄

用砂仁拌蒸一伏時七錢

芎藭

東流水潤透剉片拌青蒿蒸一炷香暴乾六錢

欽定四庫全書

痲瘋論疏

苦楝子

柳木火上置瓦焙乾再用好酒拌蒸令透待皮軟去皮核取肉水煮一伏時暴乾六錢

附子

取重一兩六七錢者用生熟湯浸半日勿令氣泄取出以白灰裹之數易令乾外裹大麥

麪子柳木灰中炮令皮拆待冷去麪去皮破開三錢

黃槩

取厚寸許者去麤皮每兩用蜜三錢和水塗炙令盡色黃為度七錢

右七味以水三升緩火煮取二升去滓再用緩火煎

至升半分溫三服未發已發發後各一服

烏梅丸

烏梅

八十枚用苦酒浸一宿去核置甑內藏三升米中蒸至米熟取出搗如泥



<p>細辛 取北地一根只一葉端直極辛者瓜水浸半日暴乾一兩二錢</p>	<p>乾薑 取如法修事白乾薑一兩</p>	<p>當歸 去蘆頭用全身少去尾酒浸一宿暴乾剉碎一兩</p>	<p>黃連 去蘆及毛用漿水浸二伏時取出於柳火上焙乾剉碎三兩二錢</p>	<p>附子 一兩二錢修事同上</p>	<p>蜀椒 無花作實者曰蜀椒有花作實者曰花椒花椒形小而赤蜀椒形大而紫修事去梗及椒 <small>瞳閉口者閉口者有毒誤服令人卒中難治也先用好酒潤蒸從巳至午蒸時密固勿使氣泄蒸足待無氣取出入瓷瓶中勿傷風也遂封固瓶口于柳木灰火中緩焙乾俟冷取出一兩</small></p>	<p>欽定四庫全書 痰癰論疏</p>	<p>桂枝 去皮一兩二錢</p>	<p>人參 飯上蒸熟一兩二錢</p>	<p>黃檗 去粗皮用生蜜水浸半日取出暴再用蜜塗炙每一兩用蜜五錢炙盡為度剉碎一兩二錢</p>	<p>右十味異搗篩各治之然後和勻以烏梅膏和藥令相得再入煉蜜少許納白中杵千餘下丸如梧桐子大飲湯服十九日三服漸加至二十九丸禁生冷滑物臭食等</p>	<p>肺癰二方</p>
------------------------------------	----------------------	-------------------------------	-------------------------------------	--------------------	--	-------------------------	------------------	--------------------	---	---	-------------



桂枝黃芪白薇欵冬花散

桂枝 三錢 去皮

黃芪 去頭上皺皮蜜水潤透蒸半炷
香取出炙燥槐砧上剉碎五錢

白薇 取山東所產者柔黃而香用糯米泔浸一宿
取出暴乾槐砧上剉碎蒸之從巳至由五錢

欵冬花 取微見花者良如巳芬芳則無氣力揀去
向裏裏花莖殼併向裏實如粟零殼及枝

葉用甘草水浸一宿却取欵花
葉拌蒸一夜去葉暴乾三錢

芍藥 削去皮一層蜜水潤蒸
三次暴三次剉碎六錢

石膏 研細甘草水
飛澄暴五錢

欵定四庫全書

痲瘋論疏

知母 槐砧上剉碎乾木
白中搗爛五錢

右七味為麤末每服五七錢水煎服

秫米常山甘草湯

秫米 二百二十
粒淘洗淨

常山 臨用去苗以甘草剉碎用東流水拌潤蒸半
炷香俟冷去甘草暴乾再用好酒潤一宿取

出暴乾整搗
一兩五錢

甘草 去頭尾好酒浸蒸從巳
至午暴乾剉碎三錢

右三味以水三升煮取升半去滓分溫三服發時令



<p>三服盡</p>	<p>心瘡二方</p>	<p>桂枝黃芩湯</p>	<p>桂枝 去皮 三錢</p>	<p>石膏 研細水飛 澄暴五錢</p>	<p>甘草 去頭尾酒潤炙 黃剉四錢五分</p>	<p>柴胡 去頭蘆削去黃薄皮 少許剉一兩二錢</p>	<p>人參 去蘆飯上蒸暴三 次剉碎四錢五分</p>	<p>欽定四庫全書 痲瘋論疏</p>	<p>半夏 用白芥子末入鹽醋中攪勻投半 夏洗三五遍漂過暴乾剉碎四錢</p>	<p>黃芩 取腐腸者東流水浸透蒸半 炷香暴乾剉碎四錢五分</p>	<p>知母 槐砧上剉碎乾木 白中杵爛五錢</p>	<p>右八味為粗末每服五七錢水煎服未發將發發後</p>	<p>各一服</p>	<p>梔子香豉淡竹葉湯</p>	<p>梔子 去殼取仁用甘草水浸一宿 取出焙乾搗篩為末十三枚</p>	<p>香豉 如法修事者小半合其法用大黑豆三斗六 月內淘淨瀝乾蒸熟取出攤席上待微溫以</p>
------------	-------------	--------------	-------------------------	-----------------------------	---------------------------------	------------------------------------	-----------------------------------	------------------------	---	--	----------------------------------	-----------------------------	------------	-----------------	---	---



<p>青蒿覆之每三日一看待黃衣上遍即取暴乾篩 淨更用東流水拌潤乾溼得所以汁出指間為度 安甕中築實上以桑葉蓋之厚三四寸密封以泥 日中暴七日取出攤暴一時許又用秋秬拌入豆 內復安甕中暴七日取出攤暴一時許復安甕中 暴七日如此七遍取出蒸之攤令氣歇復收極淨 瓷甕中築極實密封 甕口一月後即成矣</p>	<p>淡竹葉 粟米泔洗三遍切碎半斤</p>	<p>甘草 去頭尾蜜水潤透塗酒炙黃色剉碎四錢</p>	<p>蜀漆 連根收採者佳臨用時去根以甘草剉細將 東流水潤透拌入蜀漆內蒸之勿使氣漏俟 冷去甘草取蜀漆剉碎又拌甘草 水乾溼得所蒸之俟冷暴乾一兩</p>	<p>欽定四庫全書 痲瘋論疏</p>	<p>常山 臨用去苗同甘草末水潤拌蒸俟冷去甘草 取常山剉碎再用好酒拌潤一宿取出熬搗</p>	<p>一兩 五錢</p>	<p>鼈甲 取九肋者三兩洗去甲外黑皮甲裏皮肉置 罐中用醞醋煮乾取出炙燥剉碎一兩三錢</p>	<p>石膏 研細甘草水飛澄暴再研二兩</p>	<p>烏梅 十枚湯潤去核入米中蒸爛焙乾</p>	<p>右丸味以水三升五合煮取升半去滓分溫三服未</p>	<p>發前令三服盡</p>	<p>脾瘧二方</p>
---	-----------------------	----------------------------	--	---------------------------------	--	---------------------------	--	------------------------	-------------------------	-----------------------------	---------------	-------------



小建中湯 方見
太陰

甘草知母鼈甲圓

甘草 去頭尾好酒浸蒸從巳
至午取出暴乾五錢

知母 槐砧上剉碎入乾
木臼內搗爛一兩

鼈甲 取九肋者洗去皮肉
醋煮透炙黃色一兩

常山 臨用去苗用甘草末同水拌
蒸取出好酒潤一宿三兩

右四味末之煉蜜和圓梧子大每服十粒好酒下未

發臨發正發各一服

欽定四庫全書

痲瘋論疏

肝瘡二方

通脉四逆湯

甘草 去頭尾酒潤
炙黃色七錢

乾薑 取如法修事白
乾薑切一兩

葱白 五莖

細辛 取真北地者瓜水浸
一宿暴乾剉碎七錢

右四味以水三升煮取一升去滓分温再服其狀若

死兼下利脉絕者加附子五錢生用



<p>烏梅白薇細辛圓</p> <p>湯潤去核納米中蒸之米</p>	<p>烏梅</p> <p>熟為度取出暴乾一兩</p>	<p>蜀漆</p> <p>臨用去根同甘草末拌勻水潤蒸之俟冷去</p>	<p>一暴乾</p>	<p>鼈甲</p> <p>取九肋者五枚洗去皮肉入</p>	<p>白薇</p> <p>糯米泔浸一宿取出暴乾槐砧上</p>	<p>女萎</p> <p>取出蒸一炷香焙乾一兩一錢</p>	<p>知母</p> <p>剉碎乾木白內</p>	<p>苦參</p> <p>糯米濃泔浸一宿其腥穢自浮於水上重</p>	<p>常山</p> <p>臨用取苗同甘草末水潤蒸之俟冷去甘</p>	<p>石膏</p> <p>取潔白如末鉞者入砂罐內埋柳木火中煨</p>	<p>二暴乾</p>	<p>甘草</p> <p>去頭尾入瓷器中用好酒浸</p>	<p>細辛</p> <p>取北地端直極辛者用</p>	<p>香豉</p> <p>如法修事</p>	<p>右十二味為極細末煉蜜圓如梧子大酒服十圓日</p>
----------------------------------	----------------------------	------------------------------------	------------	------------------------------	--------------------------------	-------------------------------	-------------------------	-----------------------------------	-----------------------------------	------------------------------------	------------	------------------------------	----------------------------	-----------------------	-----------------------------

欽定四庫全書

痲瘋論疏



再漸增至二十圓飲服亦得

腎瘧二方

桂枝加當歸芍藥湯

桂枝

去皮
六錢

芍藥

去皮蜜水蒸
暴三次一兩

甘草

去頭尾酒
潤炙四錢

生薑

切六
錢

大棗

擘四枚

欽定四庫全書

痲瘋論疏

當歸

去蘆頭及尾少許酒
浸一宿暴乾剉一兩

右六味以水三升煮取升半去滓分溫三服未發將

發發後各一服

葱白香豉湯

葱白

洗淨
一握

香豉

如法修事
者四合

箠竹葉

取東畔枝葉揀去蟲蝕及有
卵穢跡者東流水洗淨切半升

烏梅

十枚湯潤去核
藏米中蒸爛



<p>常山 臨用去苗同甘草末水潤拌蒸俟冷取出 去甘草剉碎酒潤一宿熬搗一兩五錢</p>	<p>右五味以水三升煮取二升去滓分溫三服未發前 令三服盡</p>	<p>胃瘧二方</p>	<p>桂枝二白虎一加芍藥黃芩牡桂湯</p>	<p>桂枝 去皮 三錢</p>	<p>芍藥 去皮蜜水蒸暴 三次剉碎六錢</p>	<p>生薑 切三 片</p>	<p>欽定四庫全書 痲瘋論疏</p>	<p>甘草 去頭尾酒浸蒸 炙令黃色四錢</p>	<p>大棗 三枚 劈</p>	<p>粳米 半合 淘淨</p>	<p>石膏 研細甘草水飛過 澄暴一兩五錢</p>	<p>知母 槐砧上剉碎乾木 白中杵搗五錢</p>	<p>黃芩 取腐腸者東流水潤 透蒸之暴乾六錢</p>	<p>牡桂 取厚寸許色紫赤味辛甜者去內 外粗皮一層剉碎勿令見火三錢</p>	<p>右十味以水四升煮取升半去滓分溫三服未發將</p>
--	--------------------------------------	-------------	-----------------------	-------------------------	---------------------------------	------------------------	------------------------	---------------------------------	------------------------	-------------------------	----------------------------------	----------------------------------	------------------------------------	---	-----------------------------



發發後各一服

藜蘆圓

藜蘆

去頭用糯泔汁煮之從
已至未熬黃色一兩

皂莢

新汲水浸一宿銅刀削去皮每二兩用乳
酥一兩反覆炙令黃色搥去子弦一兩

牛膝

去蘆用黃精汁浸
一宿焙乾一兩

常山

臨用去苗同甘草末水拌蒸之俟冷取出
剉碎再以好酒潤一宿搗爛暴乾一兩

巴豆

去殼敲碎每一兩用麻油併
酒各七合煮乾研膏四錢

右五味末之煉蜜圓如小豆大旦服一圓正發一圓

欽定四庫全書

痲瘋論疏

一日勿飽食以瘥為度

溫瘧二方

桂枝二麻黃一湯

桂枝

去皮
四錢

芍藥

削去皮蜜水蒸
暴三次剉四錢

生薑

切四
錢

甘草

去頭尾酒潤炙
黃剉三錢五分

大棗

二枚
劈



<p>杏仁 湯潤去皮用烏豆白火石等分同 東流水煮從巳至午搗爛九枚</p> <p>麻黃 去節 三錢</p>	<p>右七味以水三升先煮麻黃減半升去上沫納諸藥 煮取一升去滓分溫二服溫覆取微似汗未發前令</p>	<p>二服盡</p>	<p>欵冬白薇茹蘆圓</p>	<p>欵冬花 去向裏裏花蕊殼及向裏實如粟零殼併 枝葉用甘草水浸一宿再取欵冬葉相拌 蒸一夜暴乾 一兩五錢</p>	<p>欵定四庫全書</p>	<p>痲瘋論疏</p>	<p>白薇 糯米泔浸一宿取出槐砧上剉細 蒸之從申至巳暴乾一兩一錢</p>	<p>百合 用懷生地黃汁拌潤透蒸 半炷香取出暴乾六錢</p>	<p>知母 槐砧上剉碎乾 木白杵搗六錢</p>	<p>地骨皮 東流水洗去土捶去心用 甘草湯浸一宿焙乾一兩</p>	<p>桃仁 湯潤去皮用白朮烏豆同東流水煮至 中心黃色為度取出搗八十一枚</p>	<p>玄參 入甌內用蒲草三重相隔蒸兩伏時暴乾再 拌兔絲子末蒸三炷香去兔絲子暴乾入木</p>	<p>白內杵 搗六錢</p>	<p>沙參 真者多出遼地形似人參又似防風修長黃 白體實有心心黃而肉白也同紫苑拌蒸一</p>
--	--	------------	----------------	---	---------------	-------------	--	------------------------------------	-----------------------------	--------------------------------------	---	---	--------------------	---



<p>茹蘆 誤服令作內障修事去薄皮少許以極大</p>	<p>上以瓦覆之次早取出度</p>	<p>海螵蛸 土穴用炭火燒通紅少停置螵蛸於穴中</p>	<p>前胡 甜竹瀝浸令潤暴乾一兩</p>	<p>常山 去甘草剉碎再用酒潤一宿一兩</p>	<p>牡桂 去表裏皮取心五錢</p>	<p>升麻 削去粗皮黃精汁浸一宿暴乾剉蒸一兩</p>	<p>銀州柴胡 去頭蘆削去黃薄皮少許一兩</p>	<p>欽定四庫全書 痲瘋論疏</p>	<p>烏梅 一合潤去核藏米中蒸爛</p>	<p>香鼓 一合取如法修事者</p>	<p>人參 飯上蒸暴三次五錢</p>	<p>蜀漆 草暴乾剉碎再拌甘草水蒸之六錢</p>	<p>鼈甲 透柳木火上炙黃脆一兩醋煮</p>	<p>乳酥 炙透六錢</p>	<p>肉蓯蓉 酒浸一宿至明以椶刷去砂土浮甲破中</p>	<p>乾剉碎七錢</p>	<p>炷香去紫菀暴</p>
----------------------------	-------------------	-----------------------------	----------------------	-------------------------	--------------------	----------------------------	--------------------------	------------------------	----------------------	--------------------	--------------------	--------------------------	------------------------	----------------	-----------------------------	--------------	---------------



<p>魚去腸納茹蔥於腹內蒸至魚熟取出暴乾再換魚又如前蒸暴法凡七遍剉碎一兩七錢</p> <p>右二十一味為末煉蜜圓如梧子大空心煎細茶下</p> <p>三十圓日三服</p> <p>寒瘧一方</p> <p>麻黃二桂枝一小青龍一湯</p>	<p>麻黃 去節 去錢</p> <p>杏仁 潤去皮同白火石烏豆煮之 從已至午搗爛二十七粒</p> <p>桂枝 去皮 三錢</p>	<p>欽定四庫全書</p> <p>痲瘋論疏</p> <p>甘草 去頭尾酒潤 炙黃色三錢</p> <p>芍藥 去粗皮蜜水蒸 暴三次三錢</p> <p>生薑 切三錢</p>	<p>細辛 北地者瓜水浸一宿暴乾三錢七分</p> <p>半夏 小半合用礮醋攪白芥子末 投半夏洗令涎盡再以水漂</p>	<p>五味子 取北地極肥大者以銅刀分作兩片用蜜 浸蒸從已至申更以漿水浸一宿焙乾四</p> <p>十九粒</p>	<p>乾薑 三錢取如法 修製白乾薑</p>
---	--	--	--	---	-----------------------



<p>右十味以水三升先煮麻黃數沸去上沫納諸藥煮取一升去滓分溫二服未發一服溫覆取微似汗得汗停後服</p> <p>痺瘧三方</p>	<p>女萎石膏湯</p>	<p>知母 <small>槐砧上剉碎乾木白中杵爛一兩三錢</small></p>	<p>石膏 <small>研細甘草水飛過澄暴三兩綿裹</small></p>	<p>甘草 <small>去頭尾蜜潤透炙黃色一兩</small></p>	<p>欽定四庫全書 痲瘋論疏</p>	<p>粳米 <small>一合淘淨</small></p>	<p>牡桂 <small>去表裏皮一層一錢</small></p>	<p>女萎 <small>銅刀削去皮節及鬚蜜水浸一宿取出蒸一炷香焙乾二兩七錢</small></p>	<p>箠竹葉 <small>採東畔枝葉揀去蟲蝕及有蟲卵穢跡者東流水洗淨一升</small></p>	<p>右七味以水五升煮至米爛去滓內諸藥煮取二升分溫二服溫覆令微似汗汗出者愈</p>	<p>葛根猪苓湯</p>	<p>葛根 <small>用雪水或秋露潤透陰乾剉碎一兩</small></p>
---	--------------	--	--	--------------------------------------	------------------------	-------------------------------	-----------------------------------	--	---	---	--------------	---



<p>猪苓 削去黑皮切作薄片用升麻葉拌蒸一日去葉暴乾一宿取出對 麻亦可 用五錢</p>	<p>澤瀉 剉碎酒浸一宿 取出暴乾五錢</p>	<p>茯苓 搗細水飛去膜 澄清暴五錢</p>	<p>滑石 取潔白者以竹刀刮淨研如粉每兩用牡丹 皮二兩同煮三炷香去牡丹皮以東流水淘 過暴乾 七錢</p>	<p>石膏 煨赤研細甘草水飛 過澄晒再研一兩</p>	<p>阿膠 五錢</p>	<p>欽定四庫全書 痲瘋論疏</p>	<p>地骨皮 東流水洗淨刷去土槎去 心甘草水浸一宿焙乾</p>	<p>梔子 去殼取仁用甘草水浸一宿 取出暴乾搗篩為末五錢</p>	<p>右九味以水四升先煮八味取升半去滓納阿膠烱</p>	<p>消分溫二服</p>	<p>梔子栝樓湯</p>	<p>梔子 五錢修治 同上</p>	<p>栝樓根 取大三圍者去皮搗爛 以水澄粉暴乾七錢</p>	<p>香豉 小半合取如 法修事者</p>
---	---------------------------------	--------------------------------	--	------------------------------------	------------------	------------------------	---	--	-----------------------------	--------------	--------------	---------------------------	---------------------------------------	------------------------------



<p>淡竹葉 <small>東流水洗切小半升</small></p>	<p>葛根 <small>秋露潤透陰乾剉碎一兩一錢</small></p>	<p>猪苓 <small>削去粗皮切片東流水浸一宿取出同升麻黃等分水潤拌蒸一炷香勿令泄氣去升</small></p>	<p>乾麻黃 <small>暴</small></p>	<p>滑石 <small>一兩修事如上方</small></p>	<p>牡丹皮 <small>銅刀削去骨剉碎同桃仁等分酒潤蒸暴三次去桃仁七錢</small></p>	<p>知母 <small>槐砧上剉碎乾木白中搗爛五錢</small></p>	<p>生薑 <small>切七錢</small></p>	<p>欽定四庫全書 <small>痲瘋論疏</small></p>	<p>右十味以水三升五合煮取升半去滓分溫三服</p>	<p>牝瘧二方</p>	<p>蜀漆散 <small>臨用去根用甘草末拌蒸一炷香去甘草柳火上炙燥另作細粉</small></p>	<p>雲母 <small>燒二日夜研作細粉埋深土過宿</small></p>	<p>龍骨 <small>香草湯洗兩度搗粉絹袋盛之另取雲母粉護袋外蒸兩炷香取出懸井面上過宿</small></p>	<p>右三味取淨末各等分未發前水漿服方寸匕</p>	<p>牡蠣湯</p>
------------------------------------	---------------------------------------	--	-----------------------------	----------------------------------	---	--	------------------------------	-----------------------------------	----------------------------	-------------	---	--	---	---------------------------	------------



<p>牡蠣 以鹽水煮一伏時再入火中煨赤研粉一兩五錢</p>	<p>麻黃 去節一兩</p>	<p>蜀漆 臨用去根湯浸一宿同甘草末潤蒸之俟冷去甘草剉碎再拌甘草水潤過宿暴乾八錢</p>	<p>如無蜀漆以常山代之</p>	<p>甘草 去頭尾酒浸蒸之從巳至午暴乾剉碎五錢</p>	<p>右四味以水三升先煮蜀漆麻黃減一升去沫納諸藥煮取一升先飲半升得即吐再飲之</p>	<p>冬病一方</p>	<p>欽定四庫全書</p>	<p>痰癰論疏</p>	<p>藿香正氣散 此方四時咸宜</p>	<p>大腹皮 濕湯洗淨暴乾用生薑汁拌蒸一炷香暴乾三兩</p>	<p>白芷 去皮以黃精汁拌潤蒸一伏時暴乾今市賣者皆用石灰拌蒸更拌石灰收藏服之為害甚深慎之</p>	<p>慎之三兩</p>	<p>茯苓 去皮為末水飛去膜澄暴三兩</p>	<p>蘓莖葉 東流水洗暴乾三兩</p>	<p>真藿香 東流水洗暴乾三兩</p>	<p>厚樸 取厚寸許及色赤氣烈者去粗皮每一兩用薑汁五錢塗炙令盡二兩</p>
-------------------------------	----------------	--	------------------	-----------------------------	--	-------------	---------------	-------------	---------------------	--------------------------------	--	-------------	------------------------	---------------------	---------------------	---------------------------------------



<p>白朮 米泔浸一宿取出拌山黃土蒸暴七次二兩</p> <p>廣橘皮 去白剉細以鯉魚皮裹一宿至明取用二兩</p> <p>桔梗 去頭上尖硬處四五分并兩畔附枝于槐砧上剉細用生百合搗膏同投水中浸一伏時</p> <p>一兩出緩火焙乾每桔梗一兩用百合六錢二兩</p> <p>半夏 用白芥子末攪醪醋內令勻投半夏洗三五次再水漂暴乾二兩</p> <p>右十味搗作極細末每服三錢薑三片棗一枚煎湯服日二服未發一服發後一服</p>	<p>春病一方</p>	<p>欽定四庫全書</p> <p>痲瘋論疏</p>	<p>柴樸湯</p>	<p>柴胡 去頭蘆及黃薄皮少許剉碎二錢</p>	<p>獨活 剉碎以淫羊藿拌泥二日暴乾去藿二錢</p>	<p>前胡 削去蒼黑皮及蘆頭剉碎以甜竹瀝浸令潤暴乾二錢</p>	<p>黃芩 取腐腸者東流水潤透蒸半炷香剉碎暴乾二錢</p>	<p>茅山蒼朮 去蘆及鬚糯米泔浸一宿取出暴乾剉碎同脂麻拌炒黃色去脂麻二錢</p>	<p>厚樸 二錢修事同上</p>
--	-------------	---------------------------	------------	-------------------------	----------------------------	---------------------------------	-------------------------------	--	------------------



<p>廣橘皮 <small>二錢 修事 同上</small></p>	<p>半夏麴 <small>二錢 取如法修事者其法用白芥子末入醋內攪令勻投半夏洗三五遍水漂過</small></p>	<p><small>暴乾末之用生薑汁和勻捏作餅上下覆蒼耳葉如造麴法俟黃衣上適暴乾收用</small></p>	<p>白茯苓 <small>二錢 修事 同上</small></p>	<p>藿香 <small>二錢 洗</small></p>	<p>甘草 <small>一錢 修事 同上</small></p>	<p>生薑 <small>三錢 切</small></p>	<p>右十二味以水二升煮取一升五更一服未發前一</p>	<p>服氣弱人加人參一錢白朮二錢</p>	<p>夏病二方</p>	<p>白虎湯</p>	<p>石膏 <small>研碎甘草水 飛澄暴四兩</small></p>	<p>甘草 <small>去頭尾酒潤 炙黃色三錢</small></p>	<p>知母 <small>槐砧上剉碎乾木白 中搗爛一兩三錢</small></p>	<p>粳米 <small>一合 淘</small></p>	<p>右四味以水三升五合先煮粳米減半升去滓納諸</p>
------------------------------------	--	--	------------------------------------	-------------------------------	-----------------------------------	-------------------------------	-----------------------------	----------------------	-------------	------------	--------------------------------------	--------------------------------------	---	-------------------------------	-----------------------------

欽定四庫全書

痲瘋論疏



藥煮取升半去滓分溫三服

竹葉石膏湯

竹葉

一把採東
畔枝葉

石膏

三兩修事
如上方

半夏

半合用白芥子末攪入醱醋內令勻
投半夏洗三四次水漂暴乾剉碎

甘草

三錢修事
如上方

麥門冬

不必去心
杵爛二兩

人參

飯上蒸暴
三次七錢

欽定四庫全書

痲瘋論疏

粳米

一合
洗

右七味以水四升煮取二升去滓納粳米煮令米熟

成湯去米分溫三服

病以不愈四方

鼈甲煎圓

方見
陽明

蜀漆圓

方見
牝癰

牛膝湯

牛膝

取肥大長數尺者去蘆剉碎用黃精剉
片同拌蒸一炷香去黃精暴乾四兩



右一味以水四升煮取二升分溫二服未發時一服
臨發時一服用好酒二升煮取亦善

丁香酒

丁香

勿令犯火竹
刀切片一錢

檳榔

頭圓矮毘者為榔形光紫紋者為檳榔力小
榔力大也凡使用檳擇穩正而堅有錦紋者

以竹刀削去底細切
之勿令經火四錢

烏梅

取肥大者湯潤去核
藏米中蒸熟三枚

常山

臨用去苗剉片三錢甘草水潤蒸一次取出
再用人參三錢拌勻水潤一宿飯上蒸飯熟

欽定四庫全書

痲瘋論疏

為度去人
參暴乾

右四味盛一絹囊內用好酒兩碗浸之從巳至夜露

置星月下高潔地橫刀其上臨發日寅卯時徐徐服

如無量人作數次服完如胃寒人僅可重湯微溫但

不宜熱服恐作嘔逆也服畢溫覆極煖靜室中卧當

一日勿澡洗過時不發方進糜粥避風七日設不瘥

再作服如前法

右錄諸方皆古人成案各有深意存焉蓋人之病或



<p>有證同而因異或有因同而證異或有因證似是而非或有因證似非而是者故所貴在盡察因證之常變及探索古人所以立方之繩則則我亦可以效法處方矧有古方之可循者乎否則頤懼其操方以希合也合其幸不合且以病試方矣<small>頤</small>竊於此頗三致意</p>	<p>欽定四庫全書</p>	<p>痲瘧論疏</p>	
---	---------------	-------------	--

